

ဟာဒီဟူဒီဟါ၊

AWIG-AWIG

[illegible]

DESA PAKRAMAN BALUK


ភ្នំសំបូរភ្នំក្រវាញ

KECAMATAN NEGARA

အကျဉ်းချုပ်ဖော်ပြချက်

KABUPATEN JEMBRANA

NIYASA



DESA PAKRAMAN BALUK

PEMAHBAH

Minakadi pamahbali atur, pinih rihin titiang ngaturang baktin manah titiang ring Ida Sanghyang Widi Wasa wantah sangkaning wara mugraha Ida Sanghyang Widhi, mawinan sida antuk titiang maripunayang Awig-awig Desa Pakraman Baluk puniki, anggen paiketan ngamargiang tatacara Adat ring sajroning Desa Pakraman.

Awig - awig puniki wantah pamutusong paruman Desa Pakraman sane kasarengin ring manggala Desa Pakraman sami, makatutujon ngamanggehang kasu kertaning Desa Pakraman Baluk.

Pangacep titiang dumadak dumadik majalaran awig puniki sehananing rencana pawangunan ring sajroning Desa Pakraman Baluk sida antuk maripunayang, mangda sida gelis ngamanguhang karahajengan sareng sami.


Pinunas titiang dumadak dumadik sangkaning paswecan Ida Shang Hyang Widhi Wasa. Awig-awig puniki sida antuk ngamargiang kadi pangacepe sami kadasarin antuk :

Budhi, Dharma, Laksana.

Puput.

BALUK, 24 OKTOBER 2009

BENDESA DESA PAKRAMAN BALUK



DAGING CAKEPAN

PAMAHBAH	ii
DAGING CAKEPAN	iv
MURDA CITTA.....	1
SARGA I ARAN LAN WAWIDANGAN DESA	2
SARGA II PATITIS LAN PAMIKUKUH	4
SARGA III SUKERTA TATA KRAMA.....	5
SARGA IV SUKERTA TATA AGAMA	23
SARGA V SUKERTA TATA PAWONGAN	47
SARGA VI WICARA LAN PAMIDANDA.....	62
SARGA VII NGUWAH NGUWAHIN AWIG – AWIG.....	71
SARGA VIII PAMUPUT.....	72
LEMPIRAN	

MURDA CITTA

A.U.M. OM

OM SWASTI ASTU. OM. AWIGNAM ASTU NAMA SIDIHAM.

Melarapan saking asung kertha lugraha, Ida Sang Hyang Widhi Wasa, ngewentenang kahuripan sekala niskala, ring Bhuana Agung lan Bhuana Alit . manut dresta desane wantah pawakan pesayuban Krama Desa rauhing kuluarga pawongania. Desane keanggehang Buana Agung, pawongania soang –soang pinaka Bhuana Alit.

Sotaning Buana Agung. desane wantah pawakan Bhuana maurip jangkep saha Tri Hita Karananya luwire ?

ha. Parhyangan. sehananing kayangan. panyiwian desa genah ngarcana

Ida Hyang Parama Wisesa, pinaka Atma Desane.

na. Palemahan, tanah kakuwuban desa sinanggeh stula sariraning

Desane.

ca. Pawongan, Krama saha Warga Desa maka sami maka pawakan Tri

Kaya, mawaning desane side molah maprewerti.

Adung patemoning Bhuana kalih malarapan Canta Jagathita sinanggeh

murdaning prayojana pangriptaning Awig – awig Desa Pakraman .

Pinaka putusing paseban ; wastu prasida prayojanan mami kabeh prasama

angidep muwah amagehaken kadi ling ing Awig – awig iki.

SARGA 1

ARAN LAN WAWIDANGAN DESA

PAWOS 1

(1).Munggwing Desa Adat puniki mawasta Desa Pakraman Baluk

(2).Jimbar payar wawidangan mawates nyatur Desa lwire :

ha. Sisi wetan mawates Desa Pakraman Lelateng lan Banjar Tengah

na. Sisi kidul mawates ring pajemahan, Desa Tegal Badeng Wetan lan
Tegal Badeng Pascima.

ca. Sisi kulon mawates Segara Selat Bali.

ra. Sisi lor mawates Desa Pakraman Banyubiru lan Desa Pakraman
Dharma Kerti.

(3). Desa puniki kawangun tur kaepah dados 5 (limang) Banjar lwire.

ha. Banjar Pakraman Baluk

na. Banjar Pakraman Taman

ca. Banjar pakraman Anyar

ra. Banjar Pakraman Jati

ka. Banjar Pakraman Rening

(4). Soang soang keepah malih antuk wawidangan Tempek luwire :

ha. Banjar Pakraman Baluk :

1. Tempek Baluk
2. Tempek Kalijaya
3. Tempek Dharma Wirasa
4. Tempek Dharma Laksana.

na. Banjar Pakraman Taman :

1. Tempek Taman Sari
2. Tempek Taman Sekar
3. Tempek Taman Ayun

ca. Banjar Pakraman Anyar :

1. Tempek Telaga Tunjung
2. Tempek Sekar Tunjung
3. Tempek Sekar Sandat I
4. Tempek Sekar Sandat II

ra. Banjar Pakraman Jati :

1. Tempek Mekar jati
2. Tempek Tanah duren.

Ka. Banjar Pakraman Rening :

1. Tempek Dharma Sedana
2. Tempek Tunas Mekar.
3. Tempek Mekar Nadi.
4. Tempek Shanti Laksana
5. Tempek Dwi Karya Dharma I
6. Tempek Dwi Karya Dharma II

PAWOS 2

(1). Manut ring lingganing Desa, kakuwub wawidangania kaepah tiga luwire

: ha. Utama Mandala makadi tegak Kahyangan Tiga

na. Madia Mandala makadi papupulaning, karang paumahan,

telajakan, desa, rurung, margi, abyan lan tukad.

ca. Nista Mandala makadi Setra

SARGA 2

PATITIS LAN PAMIKUKUH

PAWOS 4

(1) Desa puniki ngamanggehang pamikukuh minakadinia:

ha. Pancasila sekadi menggah ring pamahbah Undang – Undang Dasar
1945 .

na. Undang-Undang Dasar 1945 pamekas pasal 18

ca. Tri Hita Karana manut tatwaning Bhuana Agung lan Bhuana Alit.

PAWOS 5

(1). Luwir patitis Pakraman Baluk :

ha. Mikukuhang muwah ngrajegang Shang Hyang Agama

na. Ngutamayang tata pra wretining Agama

ca. Ngrahajegang kasukertaning Desa saha pawongania sekala lan
niskala.

SARGA 3

SUKERTA TATA KRAMA

PALET 1

INDIK KRAMA

PAWOS 6

(1). Sane kabawos Krama Desa Pakraman Baluk inggih punika :

ha. Kulwarga Desa sane magama Hindhu tur jumenek ring Krama
Desa Pakraman Baluk.

na. Sajaba punika sinanggeh Krama

(2). Krama Desa wyadin Krama yening wenten usaba utawi aci ring Pura
Desa, Kahyangan Tiga, Dhang Kahyangan, patut nawur urunan manut
perarem.

PAWOS 7

KRAMA DESA UTAWI BANJAR LWIRE :

- (1). Krama ngarep, kulawarga sane ngamong karang miwah carik.
- (2). Krama batan peha, kulawarga sane ngamong karang kemawon tanpa carik.
- (3). Krama bulu angkep, kulawarga sane tanpa karang miwah tanpa carik, sakewanten sampun mawiwaha, kabawos krama Banjar patus.
- (4). Krama tapukan, kulawarga manut angka (1) miwah (2) ring ajeng sakewanten durung medal ngayah.

PAWOS 8

NGAWIT DADOS KRAMA DESA :

- (1). Ngawit magenah Sajroning wawidangan Desa Pakraman Baluk
- (2). Ngawit mapaumahan wyadin ngrereh pangupajiwa utawi pakaryan sajroning palemahan Desa Pakraman Baluk yan sampun jumenek 3 sasih saking misedekang raga.
- (3). Mawiwit antuk pawiwahan sesampun 6 sasih sajroning mapikuren
- (4). Kulawarga sane nampi tamiu utawi dunungan wenang atur supeken utawi nguningayang ring Prajuru Desa utawi Banjar sanistania mawaneng arahina.

PAWOS 9**TETEGENAN KRAMA DESA SAKADI RING SOR :**

- (1). Krama ngarep Krama batan polahan, Krama buluang.kep keni ayah, pepeson gegem.
- (2). Krama tapukan luput saking ayah,pepeson sajroning urunan

PAWOS 10

Bendesa,pamangku luput ring tetegenan Krama minakadinia : ayah
ayahan pepeson muang urunan

PAWOS 11

Warga Desa sinanggch tamiyu linggih nyane wenten kalih paos :

(1). Sane magama Hindhu lwire :

ha. Karawuhan^u kulawarga saking dura Desa marerepan muah
ngaturang bakti ring Kahyangan Tiga patut nguningayang ring
Prajuru.

na. Ngerereh pangupajiwa turmaning jumeneck ngantos 3 sasih patut
tedun makrama Desa kakrab antuk Bendesa, Klian, Prajuru keni
tetegenan manut Krama.

PAWOS 12**SWADARMANING KRAMA DESA, BANJAR, TAMIU :**

- (1). Satinut ring Awig awig, Paswara lan Pararem Desa
- (2). Utsahayang mangde desane nyidayang nginutin patitis ring ajeng
- (3). Nyabran rahina Galungan, Kuningan, usaba utawi Aci ring Kahyangan
Tiga patut nganutin Upakara lan Upacara manut Pararem.
- (4). Tan wenten tulak ring pamargin sukertaning Desane

PAWOS 13**TATUWAS UTAWI OLIH OLIHAN KRAMA DESA**

- 1). Polih pasayuban Prajuru. ngamanggehang saluwiring patitis tur
kabawosin saha katibanin pamutus sahanan wicarania.
- (2). Nyarengin Pararem Desa utawi Banjar saha wenang pastikayang
pamutus.
- (3). Indik pwangkid utawi luput kengin sakadi ring sor :
ha. Polih luputan utawi ayah ayahan Desa, Banjar manawite
mapawangun, mayadnya, matepetin kulawarga sane keni
panyungkan muang kaluasan sane sampun kasudi antuk Sang
Amawong Rat.

na. Luput ayah ayahan pawedalan riantuk sampun wenten sumendi miwah lintang yusa makadi :

1. Nyada yusa 65 Warsa
2. Pinunas ngeraga riantuk sungkan sungkanang

ca. Ngetut ayah ayahan, pepeson antuk arta brana mangda anut.ring laksana.

ra. Tan dados ngetut ayah ayahan saha papeson antuk arta brana sane kamanggehang dharma muwah sima

ka. Ritatkala Desa mapawangun wenten Warga Desa utawi Banjar sane ngelaksanayang Yadnya, warga punika kapatutang nutug pakaryan ring Desa utawi Banjar sasampun puput upakara lan upacara yadnya inucap.

da. Ritatkala makarya ring Desa, pahan pakaryan miwah pikolih manut parareman.

(4). Prade rikalaning ngayah wenten sinalin tunggil Krama matilar saduring puput karya, tan pasadok ring Prajuru, wenang Krama inucap keni pami danda tanjer laler manut pararem.

PAWOS 14

WUSAN MAKRAMA DESA UTAWI BANJAR

(1). Sangkaning magingsir genah kadura Desa, patut nunas panugrahan saking prajuru tur tan polih pah pahan sangkaning druwen Desa utawi Banjar

(2). Prade riwekas matulak malih ngeranjing makrama Desa, yan sangkaning rahayu kadadosang tur kategenin pangepok manut pararem . Yan pade wenten kaiwangan patut tawur damun kaiwangan punika wawu kadadosang teduh makrama Desa.

(3). Kanorayang antuk Krama Desa utawi Banjar luwire:

ha. Pastika wenten sudosan ipun manut pamutus pararem.

na. Tan satinut ring Awig- awig manut pamutus Pararem.

(4). Prade riwekas mawali malih ngranjing makrama Desa utawi Banjar patut nawur dosan ipun manut pararem , turmaning mangda satinut ring Awig awig Desa sane sampun kapastikayang.

(5). Yan wenten Krama Desa Pakraman Baluk sane tan wewed makrama utawi krama sane kaeladang makrama patut kakeninin:

ha. Yan sinalih tunggil sampun lampus kapatutang tan polih pidana saking krama.

na.. Yan pacang nangun yadnya makadi dewa yadnya, manusa

yadnya, pitra yadnya lan bhuta yadnya pateh sekadi ring ajeng.

ca. . Tan prasida nganggen druwean Krama Desa Pakraman Baluk

sejawaning Setra lan Pura.

PALET 2

INDIK PRAJURU

PAWOS 15

(1).Desa Pakraman Baluk kaentarang olih Prajuru luwire:

ha. Bendesa pinaka Penua Desa, Desa Pakraman

na. Petajuh pinaka wakil Bendesa, Desa Pakraman.

ca. Penyarikan pinaka pangenter juru surat. Desa pakraman.

ra. Petengen maka pengemong miwah ngelingang raja brana

druwen Desa Pakraman

ka. Kasinoman maka juru pamargi utawi panyanggra Desa

Pakraman.

(2). Banjar miwah Tempek-tempek kaentenang olih Kelian Banjar

miwah Kelian Tempek tur soang soang kasanggra olih:

ha. Panyarikan maka pangeter juru surat Banjar miwah Tempek

na. Petengen maka pengemong miwah ngelingang raja brana

druwen Banjar utawi Tempek

ca. Kasinoman maka juru pamargi Banjar utawi Tempek

(3). Bendesa patut mawiwit:

ha. Saking ayah ngarep tur tan cetangga utawi sakit – sakitan

na. Uning ring pangelokika, uning ngawacen utawi nyurat

ca. Prajuru Desa, Banjar lan Tempek keadegang malarapan antuk

pamilihan olih paruman Desa, Banjar lan Tempek nyabran 5

warsa utawi kagentosin

manut pararem, wusan punika kengin kapilih saha
madulurang ngaturang makeling ring Kahyangan Tiga.

PAWOS 16

BENDESA KASANGGA ANTUK

- (1). Kelian Banjar sakadi wakil saking soang soang Banjar Pakraman
- (2). Penyarikan Desa makajuru surat kasudi antuk Bendesa turmaning
kacumponin antuk Prajuru
- (3). Petengen ngelingan druwen Desa kasudi antuk Bendesa turmaning
kacumponin antuk Prajuru
- (4). Kasinoman makajuru pamargi kasudi antuk Bendesa turmaning
kacumponin antuk Prajuru
- (5). Bendesa taler madruwe kawenangan ngawangun prakerti mawit
saking wong desa sane kapineh patut rikala ngelaksanayang sane
mabuat ring kalih ngerarianang prakerti inucap risampune tan
kabuatan malih.
- (6). Sajroning ngenterang sukerta niskala, Bendesa mingsinggihang
Mangku

PAWOS 17

SWADHARMANING PRAJURU DESA

- (1). Ngenterang sadaging awig-awig paswara miwah pamutus pararem Desa
- (2). Nuntun tur ngenterang krama, ngupadi manut papitis lan kasukertan, Desa.
- (3). Nuntun saha nyaksinin ngelingan tatacara pakaluargan
- (4). Nyelidinin utawi ngawakilin Desa utawi Banjar, ngenterang param bebausan ring sapasira ugimanutswadharmaning sowang sowang
- (5). Mawosang kalih niwakang pamutus marep ring wicaraning Warga warga Desa
- (6). Prade Prajuru aswadharman utawi ninggal sesana keni pamidanda nikel ring kaiwangan ikrama manut dadosan, miwah kengin kawusanang manut paruman
- (7). Pamargin lan panglaksan Prajuru Desa utawi Banjar kadi ring ajeng patut kasinanggehang ring paruman Desa utawi Banjar kapungkuripun

PAWOS 18

Patuas Prajuru Desa utawi Banjar utawi Tempek lwire:

- (1). Luput saking ayahan Desa, Banjar lan Tempek
- (2). Luput saking ayahan Dinas wyadin Subak manut pasilih asih.
- (3). Luput saking pakenan pakenan Desa, Banjar lan Tempek

- (4). Polih cenengan miwah olih olihan siyosan manut pararem.

PAWOS 19

PRAJURU KAGENTOSIN Riantuk :

- (1). Kapunggelan yusa utawi padem
- (2). Pinunas saking dewek ngraga
- (3). Sajroning kengin narapidana
- (4). Sajroning kengin kapendet langkung ring tigang sasih
- (5). Wusan dados Krama Desa utawi Banjar.
- (6). Karariyanang antuk parum Desa riantukan tan nganutin
- (7). Ngentosin utawi ngaryanang Prajuru mangda sajroning parumantur kaparemin antuk Krama Desa, Banjar, Tempek

PALET 3

INDIK PARUMAN

PAWOS 20

- (1). Pepalihan paruman paruman luwire :
 - ha. Paruman Desa, paruman Banjar miwah Tempek
 - na. Paruman Prajuru Desa, Banjar miwah Tempek
- (2). Sahananing paruman sida lumaksanayang yening sampun katedunin antuk langkung saking pah kalih gebog Krama utawi Prajuru sane patut nyarengin paruman manut panyacakan
- (3). Sahanan pamutus, kautsahayang pisan mangda malarapan antuk pagendurasa, bilih bilih tan nyidayang, mangde swarane makehan sinanggeh uger uger pamutus
- (4). Ring sahananing paruman tan maren kawiwitin antuk pangarcana ring Ida Hyang Widhi, miwah Ida Bhagawan panyarikan saha Widhi Widana miwah kalanturang antuk puja astawa Tri Sandya.
- (5). Paruman Desa kawentenang awarsa apisan utawi manut perarem
- (6). Paruman Prajuru Desa kawentenan sakirang kirang ipun awarsa apisanan.
- (7). Sahanan pakereb ring ajeng katitenin saha katiwakin pamutus pararem Desa

- (8). Pamutus paruman inucap ring ajeng sinanggeli sepat siku siku patut katinutin antuk krama Desane sami pamekas prajurune
- (9). Prarem Banjar kawentenang sinangken 6 sasih apisan manut pamutus Banjar soang soang
- (10). Paruman Tempek kawentenang sakirang kirang ipun 3 sasih apisan manut pamutus Tempek soang soang
- (11). Sajawaning punika, kengin kawentenang paruman manut ring kawentenang sane mabuat patut bawosan, tan dados jantos ngantos suwe.
- (12) Paruman sekaha, manut tatujon saha mapiuning ring Prajuru Desa, mangda tan lempas ring patitis inucap ring ajeng
- (13) Patedunan Krama Desa kalaning paruman malarapan swaran kulkul, saha mapanggangge busana adat.
- (14).Riwusan paruman kamargayang panyacakan malih saha nglaksanayang pesantian

PAWOS 21

Sajroning paruman Desa, para klian misadokang sapa marginnyane ngenterang Desa utawi Krama makadin ipun:

- (1). Misedekang indik pakraman makadi ayah ayahan arta brana druwen
Desa miwah sane siyosan.

- (2). Pidabdab pidabdab, Prajuru indik usaha Desa kaungkur
- (3). Sahanan pakerab, utawi siaran ring ajeng, katiwakin pamutus antuk paruman Desa utawi Banjar kasinanggehang antuk mikukuhin pamargin Awig awig

PAWOS 22

Paruman Prajuru kamiletin antuk sahanan Prajuru katuntun antuk Bendesa.

- (1). Paruman Prajuru wantah nginggilang tata caraning ngayonin saha malarapan usaha muwah pangrencana.
- (2).—Pamutus sahananing rerancangan utaminia, rencana sane pacang niwakang tetegenan ring krama desa sadurung kapikukuhin antuk paruman desa utawi banjar tan patut kamargayang
- (3). Pamutus paruman Prajuru sangkaning pituduh sang amawong rat sinanggeh paswara Desa Pakraman Baluk.

PALET 4

INDIK KUL KUL

PAWOS 23

- (1). Kul kul nganutin Tri Buana Sandhi : Dharma Sima, laksana, pasuka duka Desa miwah Banjar :

- (1). Dharma : Kulkul maswara nganutin upacara upakara Agama

(2). Sima :Kulkul maswara nganutin dresta sane kemanggehang

(3) Laksana:kulkul maswara nganutin pakaryan sane
kalaksanayang antuk Desa utawi Banjar

(2). Suaran kulkul soang – soang inggih punika :

ha. Maswara nabuh nganutin irama, cihna wenten dedawuhan
pacang paruman, makarya gotong royong.

na. Maswara ngoncang atuludan lampak cihna wenten bulan utawi
surya kepangan, wenten linuh, Upacara Agama

ca. Maswara bulus gati. atuludan, cihna wenten kamalingan utawi
kerampokan, kabaak, umah puwun wong istri kaplagandang
miwah wong mayuda tanpa sanjata

ra. Maswara bulus gati kalih tuludan cihna wenten sang krampok
saha maworat pati wenten bencana, blabur agung mabaya

ka. Maswara bulus gati tigang tuludan cihna wenten sane siyosan
mayuda saha sanjata miwah sakancan maweratpati sane
siyosan.

da. Swaran kulkul tulud tiga, ping tiga lampak utawi tulud telu.
Cihna wenten sinalih tunggil krama desa utawi banjar lampus
utawi padem

(3). Swaran kulkul inucap ring ajeng kawastanin " Sad Maha Swara Manggala Dara" sane maartos :

Sad : Nem

Maha : Ageng utawi mabuat

Swara : Irama

Manggala : Pamucuk, Pimpinan

Dara : kagambel utawi kakukuhin

(4). Gagawan nganutin kawentenan swaran kul kul inucap

(5). Kulkul inucap tan wenang katepak yang tan sang kaning pituduh prajuru, yan mamurug wenang kapidanda manut pararem sajawaning wenten cihna kapanca baya.

(6). Sang anepak yening tan saking pituduh Prajuru patut digelis tur supeksa ring Prajuru.

PALET 5

INDIK LABA PURA

PAWOS 24

(1). Tanah laba lan bukti Kahyangan Tiga Desa sakadi Pura Puseh sanemagenah ring Banjar Pakraman Anyar, miwah Pura Dalem sane magenah ring Banjar Pakraman Baluk, kagambel antuk soang soang pamangku pura inucap.

(2). Tanah laba pura Dhang Kahyangan Majapahit sane magenah ring Banjar Pakraman Baluk, kaetang olih Desa pakandel

PAWOS 25

INDIK DRUWEN DESA

(1). Sane sinanggeh druwen Desa Pakraman Baluk luwire :

- ha. Kahyangan Tiga Desa minakadi Pura Puseh magenah ring Banjar Pakraman Anyar , kasiwi antuk Krama Desa Baluk
- na. Kahyangan Tiga Desa sekadi Pura Dalem sane magenah ring Banjar Pakraman Baluk kapakadelin antuk Krama Desa Baluk
- ca. Dang Kahyangan Majapahit sane magenah ring Banjar Pakraman Baluk kapakandelin antuk 5 Desa Pakraman makadi Desa Pakraman Baluk, Desa Pakraman Banyubiru , Desa Pakraman Kaliakah Kauh, Desa Pakraman kaliakah Kangin lan Desa Pakraman Baler Bale Agung.
- ra. Pura pangulun Banjar sane magenah ring Banjar , kapakendelin antuk soang soang Banjar
- ka. Pura pangulum subak carik miwah subak abyan kapakandelin antuk subak carik miwah subak abyan soang soang
- da. Tanah Setra utawi tunon sane magenah ring Palemahan Desa Pakraman Baluk
- ta. Piranti piranti sakadi bale adat ring desa utawi banjar miwah tempek saha carik lan subak abyan
- Sa. Lelanguan sane wenten sajroning Desa muang Banjar
- Wa. Lembaga Perkreditan Desa lan CBD.

- (2). Indik druwen Desa Pakraman Baluk inucap ring ajeng kaamong saha katitenin antuk Krama Desa, Banjar, Subak malarapan perarem. miwah dresta sane sampun katinutin saking rihin.

PALET 6

SUKERTA PAMITEGEP

KAPING 1

KARANG TEGAL LAN CARIK

PAWGS 26

- (1). Sahananing karang paumahan, tegal lan carik pabyanan patut kapakukuhin antuk wates wates sane pastika nyatur Desa Macihna antuk pagehan utawi turus idup, tembok pundukan, rurung, margi, tukad utawi telabah
- (2). Wates wates karang, tegal lan carik kadi inucap ring ajeng, patut kategen antuk. Sang madruwe sareng sang madruwe panyanding nyane tur baba giannya patut kamanggehang manut pararem
- (3). Sahananing karang, tegal lan carik patut kautsahayang tan wenten kabebeng, utawi mangda mape medal karurung utawi kamargine
- (4). Prajuru Desa utawi Banjar patut ngutsahayang mangda sami kawentenan karang, tegal lan carik padruwen ikrama kadi inucap ring ajeng

- (5). Keresikan miwah kaasrian ring margi, rurung desa banjar kalaksanayang antuk ikrama manut pararem
- (6). Sajroning wawidangan karang paumahan inucap katreptiang antuk prajuru desa, indik tata cara sukertaning amongan kulawarga magama hindhu turun temurun taler kawetesi antuk pageh kadi ring ajeng
- (7). Swadarmaning krama Desa sajroning karang paumahan tan kawasa malaksana nungga nunggal luwire : ngempetin lawangan utawi rurung sadurung polih pamutus saking Prajuru Desa ngalintangin wates
- (8). Desa wenang ngawentenang sangkraban sajroning wawidangan Desa Pakraman Baluk rikala mamahayu wewangunan Pura Dalem, Puseh, Bale agung muwah pasar manut pararem

PAWOS 27

- (1). Sinalih tunggil krama Desa tan kalugraha :

ha. Ngelahlah tegal tegak sinanggeh suci mekadi tanah kahyangan, setra miwah sane siyosan

na. Ngelahlah, tegal, karang, margi ngembakang toyo, wit wewalungan. Kapakarangan krama siyosan utawi panyanding, yening pamargine patut karyanang jelingjing.

ca. Ngelumbar wewalungan kapisaga, ngetungan wangke
katukade, kamargine utawi kapa karangan krama siyosan.

ra. Ngenahang barang ring margine lintang ring 3 rahina

ka. Melaksana sakancan sane ngrusak

(2). Sinalih tunggil ikrama kapatutang mangda :

ha. Setata nitenin indik karesikan tur patut karenesin antuk sarwa
tatanduran sane mapiguna ring kauripan

na. Gebyogan nandurin manut pararem

(3). Sapasira i krama sane mamurug pawos 27 kadi ring ajeng wenang

kadenda, agung alitnya manut pararem

KAPING 2

INDIK PEPAYONAN

PAWOS 28

(1). Ngawit nandur tanem tuwuh

ha. Ring wates pura, paibon, mrajan dadia, kelapa ageng 12 meter

na. Yening wit punika sinanggeh jagi mayanin wenang

kekawonang olih prajuru desa utawi banjar tur sang madruwe

kapatutang ngrebah

(2). Tan kalugraha wit taru ageng mentik ring :

ha. Sajroning wates

na. Ngelintangin wates, bilih bilih mawastu mayanin kapisaga

(3). Matatunduran ring jroning karang wantah kalugraha ameter tengah
sanking wates

(4). Prade sinanggeh mayanin sang kaweratan patut nguningayang ring
prajuru desa utawi banjar tur risampune kaparitas mituduh sang
madruwe wit monggol sanistan ipun nyepai gantungin

(5). Prade wenten tan manut ring ajeng, kengin kawara antuk sang
kaweratan⁷ tur kasadokang ring Prajuru Desa utawi Banjar,
mangda mituduh sang madruwe wit ngerebah taru inucap, yening
sampun ngantosang ping kalih nyadokang taler tan karebah wit
inucap kengin sang nyadokang sane ngerebah, tur wit punika
kaepah tiga, asiki kaserahang ring prajuru, asiki ring sang
ngerebah asiki malih ring sang madruwe taru.

(6). Yening prade ngatos ngerebahin wawangunan, sane keni prabea
saha panyanggaskara inggih punika sang madruwe wit yan
sampun kawarah tur wit punika patut karampag antuk sang
karubuhin.

KAPING 3

WEWANGUNAN

PAWOS 29

- (1). Sahananing wewangunan tan wenang ngawanan pocol wong panyanding prade wenten mamurug wenang wewangunan inucap kagubar saha tan polih prabea utawi kapocolang
- (2). Prade wewangunan ring telenging wates patut ngawentenang paigum ring pengadinia tur masadok ring Prajuru utawi Banjar, prade mamurug, riwekas yan kawara antuk pengadinia, wenang wewangunan inucap kagubar saha tan polih prabea utawi kapocolang

KAPING 4

WAWALUNGAN

PAWOS 30

- (1). Sahananing warga Desa utawi banjar sane miara wewalungan patut sayaga nitenin negul, ngandangin utawi nglogor, mangda tan ngrusak karang utawi pakubonan warga Desa utawi Banjar syosan, bilih bilih ngantos ngranjing ring pura, kabawos ngaletchin.
- (2). Prade wenten mamurug sakadi inucap ring ajeng, patut kasadokang ring sang madruwe wawalungan
- (3). Yening ngantos ping kalih kasadokang, ngraris kasadok ring prajuru desa utawi banjar mangda katiwakin pamidanda ring sor :

ha. Ngawaliang wit sane karusak miwah prabea kapocolang
manut pamutus Prajuru Desa utawi Banjar

na. Upacara utawi cacaruan yening wawalungan kantos ngelechin
pura wyadin karang suci

ca. Taler wawalungan inucap kataban manut tatacara :

(1). Sang naban polih prabea sajroning miara sani kataban

(2). Sang madruwe wewalungan patut nawur prabea ring sang naban
manut panglokika Prajuru Desa utawi Banjar

PAWOS 31

(1). Tan kawenangan ngangon ring :

ha. Palemahan Kahyangan utawi Pura

na. Ring pakubon wong Desa syosan

ca. Ring margi Desa

ra. Ring tanah Setra

ka. Ring tanah druwen Desa sane syosan

(2). Prade wenten mamurug patut kapindanda manut pararem utawi
maduluran upacara upakara pamarisudha yan ngangon ring
kahyangan utawi pura

KAPING 5**INDIK SAHANAN BAYA****PAWOS 32**

(1). Sang manggihin sahananing jiwa baya, patut nguwarayang utawi
 nepak kulkul mapitulung manut pawos 23, tur sang mayanin patut
 kadanda skala niskala tur mundut saprabea pangupakara

(2). Sang manggihin sahanan arta baya, patut nyuwarayang kul kul
 manut pawos 23, utawi sang kapandungan matur supeksa ring
 para juru sane pacang nimbangin tur pacang nepasin dusta inucap
 ha. Sajawahing nunasang ring sang mawang rat naler niwakang
 pamidanda ngawaliang arta sane kapandung
 na. Pamidanda nikel, prade taler mamandung lintangan ring
 apisan
 ca. Maweweh pamarisuha manut pararem prade mamandukang
 sang sinanggeh suci
 ra. Wenang kapidanda wong Desa yan melaksana sane kawos
 dusta, minakadi ngurugada sane ngawetuang baya

PAWOS 33

(1). Sang manggihin wenten katunuan miwah anyudang embah, patut
 nyuarayang kul kul mapitulung manut pawos 23 muah katedunin
 antuk sahanan ayahan, gegawan anut pawos 23 nomor 4

- (2). Sang duracara ring agama macihna anut tri pramana minakadi :
saksi, lokika lan bukti, wenang jatma punika kadanda manut
pararem.

SARGA 4

SUKERTA TATA AGAMA

PALET 1

INDIK DEWA YADNYA

PAWOS 35

- (1). Pura utawi Kahyangan sane kapikandelin nunggal Desa luwire :

ha. Pura Desa Bale Agung lan Puseh

na. Pura Dalem

ca. Pura Majapahit

ra. Pura Marajapati

- (2). Pura utawi kahyangan sane kapikandelin, masarengan ring syosan
desa luwire :

ha. Pura Majapahit

- (3). Pura utawi Kahyangan sane kasiwi antuk Desa Pakraman Baluk
inggian punika Pura Puseh sane wawu kekaryanin, tur magenah
ring Banjar Pakraman Anyar.

- (4). Pura, Panti, Paibon, Padadian polih pangayoman Desa, nanging
kapikandelin antuk wargania soang soang

- (5). Patirta pura utawi dang Kahyangan Majapahit Desa Pakraman Baluk
ring rahina saniscara kliwon wuku wayang
- (6). Patirtan pura utawi Kahyangan Dalem Desa Pakraman Baluk ring
rahina Buda Kliwon Ugu
- (7). Patirtan pura utawi Kahyangan Puseh Desa, Desa Baluk ring rahina
buda umanis tambir
- (8). Bacakan letuh wyadin sakancan cendala sane dados ngranjing ring
sajroning kahyangan luwire :
- ha. Jatma luh sebel kandel, minakadi :
- Ngarajcsewala, madruwe oko, karuron manut sengker
- na. Jatma cuntaka sangkaning kapademang sengker kapastian manut
pamutus, pararem, manut sor singgih sang kacuntakan
- ca. Sahanan jatma patita, minakadi : babinjat wong beling
kasanggaman tan sinangaskara, wong mamitra ngalang wong
sakit ila muwah sebel syosan sadurunge sinangaskara manut
Agama Hindhu
- ra. Jatmane sane kapastikayang panjen, manut pararem utawi pamutus
Prajuru Desa
- ka. Sato luwir wawalungan suku pat sajawaning kalaning mapapada
- da. Sahanan sane wit kasinanggeh letuh manut Agama, luwire : galih,
bok, saluwir wiwitan wangke, layudan pitra yadnya, makutu,
masusuwin muwah letuh syosan.

PAWOS 36

(1). Ring soang soang pura inucap patut kawentenang Pamangku

lanang istri

(2). Ngadegang Pamangku manut dudonin :

ha. Ngawilang saking turunan utawi nguwaris sake wanten sane

sampun mapikuren

na. Pilihan Krama Desa, taler sane sampun mapikuren

ca. Manut pawuwus Ida Bhatara

(3). Sane tan wenang kaadegang Pamangku :

ha. Cendala, luwire : peceng, perot, cungh kalih sane cacat

syosan

na. Kagerengin luwire : sakit ila, ayan, miwah sane syosan

ca. Ulah cacat luwire : angrabinin wong arabi, nyolong smara

miwah sane syosan

ra. Sane tan uning ngwacen sastra utawi aksara

(4). Para Pamangku Pura Kahyangan sane kapikande lin olih Krama

Desa, kadegang manut dresta tur upakara olih Krama Desa manut

pawilangania.

(5). Pamangku tan kalugraha

ha. Ngambil wong pejah

na. Kapunyah punyahan

ca. Sareng magebagani

ra. Nyulubin longlongan, penyemuan miwah sane ngeletuhin

ka. Dados Prajuru Desa

da. Mategenan sajawaning mula kadruwen anggen ngraga

ta. Mapangangge sane tan manut ring upacara rikalaning muput

yadnya sapunika taler rikalaning ngerawuhin undangan

sa. Rakala mundut Ida Batara, nenten napak pratiwi

wa. Yan wenten para pamangku mamurug, sakadi ring ajeng,

patut maretisteraga, kasak sinin antuk Prajuru kalih

saprabyaning upakara punika patut kamedalang antuk sang

mamurug

PAWOS 37

(1). Swadarmaning pamangku :

Ngantebang upakara wyadin upacara luire aci aci ring pura
sasuwunan desa muang ring pakraman

ha. Ngantebang saluwir aci aci muah punagi wong desa saha
wong dura Desa

na. Ritatkala wenten patoyan ring Kahyangan Desa, mangku
patut sampun wenten ngawit negdeg beras ngatos puput
karya

ca. Nitenin nuntun kaasriyan pura

(2). Sang sane nawur punagi utawi mapanawuran patut masadok ring
Prajuru Desa mangda prasida kanten sane patut druwen Desa
luwire :

ha. Upacara upacara wewalen

na. Leluwes mule mule arta brana, sasari, wawalungan,
palabungkah lan palagantung

ca. Sajawaning penawuran ring ajeng, muwah aturan sane lumrah
mawali katunas, muah kapeserahan ring pamangku

(3). Ngantabang ang yadnya, madia utama, kengin nuur pandita pacang
 muput nanging pemangku maka pamucuk panyanggra manut
 pamuput kabawos

PAWOS 38

(1). Petuas pemangku luwire :

ha. Dasar suci ritatkala aci

na. Sahanan jinah sesari rinapkala odahan wyadin patirtan, sane
 manut wawilangan, tigang pahan kapaica ring pamangku
 apahan, kadadosang kas ring kahyangan

ca. Arta laksana panganteb, ritatkala wenten mapanawuran

ra. Luput saking ayahan Desa miwah Banjar

ka. Palakiwa, guling ritatkala wenten mapanawuran madaging
 guling

da. Manut pamuput pararem prajuru Desa

PALET 2**INDIK RESI YADNYA****PAWOS 39**

- (1). Sang pacang madwi jati, madiksa, mapudgala, sajawaning nunas palugrahan ring sang rumawas minakadi parisada utawi sang mawang rat, taler patut masadok ring Prajuru Desa
- (2). Prajuru inucap patut sareng nureksa nitenin mangda sulur kalih pamargine jati jati manut,manut kecaping agama saha tumut nyaksinin pamargin upakarane
- (3). Salanturnia Prajuru Desa mangda digelis ngentosin parab sang madiksa manut palugrahan sang nabe, saha kailikitayang tur kasyarang ring paruman Desa

PAWOS 40

- (1). Sajawaning pamangku sang sane sampun mawinten mamuatang pacang mamargi, nyonteg, dalang sakaluwiring pacang ngetarang yadnya patut kapikukuhang antuk ilikita olih Bendesa
- (2). Prajuru Desa wenang nitenin, nureksa saha mapakeling prade kaciha nyasar ring sasana ring kakecap.

- (3). Prajuru desa patut nyaksinin upakaraning, nyiarang ring paruman desa tegap rawuhing ngatos kawenangania ngentarang upacara yadnya ika.

PAWOS 41

- (1). Krama Desa katuntun antuk prajuru Desa sareng nikenin mangda sahanan yadnya sane kawetenan kaicen mupui olih panitia utawi pinandita minakadi : pamangku, dalang, sangging manut kawenangania.
- (2). Prajuru desa patut nuntun ngamanggalaning kasucian para wikune ring desa pakraman utawi krama Desa.
- (3). Ngaturin dana punia manut, wibuh, kincit, karyane.
- (4). Saking teleb mikayunin pawarah utawi pawisik ring kecaping sastra agama.

PALET 3

INDIK PITRA YADNYA

PAWOS 43

PAMARGIN PITRA YADNYA LWIRE :

(1). Pangupakaran sang padem

ha. Mapendem pramangkin nganutin rahina sane kamanggehang
antuk prajuru desa

na. Pangabenan malelet utawi tan malelet saking padem mangda
maupacara tan kantos mambu

ca. Sabacakan pangabenan patut kalaksanayang ring setra ugi
manut para^{re}m sajroning wenten pinabdab Prajuru Desa

ra. Sang ngamargayang pangabenan sawane sampun mapendem
ring setra dados ngunggahang tumpang salu ring karang desa
pakraman sakewanten mangda kageniosin antuk sawa
karesihan

ka. Sane dados ngaskara kalih maktiyang sekah ring Pura Dalem.
wantah pamangku utawi pemangku tempek Pura Dalem

da. Yan wenten silih sinunggil kulawarga dura krama Desa Baluk
padem ring jaba Desa Baluk dados sawane kabakta antuk
ring karang Desa Pakraman

Sajroning pacang muputang babawosang ring kuluwargania
 indike pacang mapendem utawi ngaben ring setra Desa
 Baluk nangin nenten polih pidarman sane marupa arta brana
 saking krama sajawaning pangrenteb

ta. Yan wenten padem sadurung mayusa 3 sasih, asambutan
 mangda mependem ugi

sa. Yan wenten padem sajroning desa syos agama, nenten dados
 pendem ring setra baluk sadurung polih pamutus saking
 sang rumawos lan sang mawengrat.

wa. Pradene sawane sane pacang kageseng, kapendem ring setra,
 boya sawan warga desa muah sawan krama desa sane
 kacledang krama, patut nawur penanjung batu kehnia 25
 kilo beras

la.. Tan kawengan mendem sawaring rahina : purnama, tilem,
 makirim sajroning banjar, patoyan jagat miwah patirtan ring
 kahyangan jagat utawi kahyangan tiga sane kasiwi utawi
 kapekan delin antuk Desa Baluk muwah rainan rainan jagat
 sane sampun kamanggehang ring Agama Hindhu

ma. Yan wenten wong Desa Baluk padem kapi saratang pisan
 mangda kageseng manut upacara lan upakara sane sampun
 kamanggehang

ga. Tan kalugraha ngraksa sawa ritatkalaning jagate kabrebehan
 gering

ba. Yan wenten kapademan ring kulawarga pamangku sane
 sampun dados akuren yogia nyuntakayang sakadi ring sor
 puniki:

1. Yan durung kepus pengsed, 12 rahina
2. Yan sampun kepus pungsed, 3 rahina
3. Yaning rabin pamangku madruwe oka utawi
 pianak alit, 42 rahina pamangku lanang aketus
 pungsed, kalih yan wenten aci ring kahyangan
 punika karembo olih pamangku sane syosan

nga. Yan pamangku lanang utawi istri padem wenang kageseng
 ugi, mungging prabea upakarania kamedalang olih Desa

pa. Yan wenten wong desa kapademang, yan durung pastika
pacang mapendem tan kalugraha makarya bangbang ring
setra

ja. Yan wenten pacang ngobet, nyapuh sawa ring satra patut
ngawentenang aturan manut pituduh pamangku dalem, kalih
yang sampun 3 rahina ring panyimpenan ida Bhatara.

ya. Tan kalugraha ngingsanang sawa ring setra, sajawaning
wenten patoyan ring kahyangan kapikandel Desa

nya. Yan wenten wong desa kapademan lintang ring adiri sajroning
arahina pamargin patut masadok ring prajuru tur mapendem
sareng sareng

ha. Wenten ngelaksanayang pitra yadnya utawi ngaben tan
kalugraha ngelatur sadurung sane ngaben rihinan
masesampun

na. Wenten kalaning ngaben utawi ngebet sawa ring rahina,
pengabetan pinika tan kalugraha mendem sawa, kalih
mangda mapisadok ring Prajuru Desa

ca. Tan kawentenang mendem sawa sajawaning ring setra

ra. Soang-soang krama, warga padadian patut sami sampun

kasinggeh uning nganutin dresta, sima, adat, indik paetangania

ka. Pangebenan manut pinunas muah kasidan olih sang madruwe

jatmane padem ring ida pedanda, kincit, madia, wibuh utawi

pelaksana paetangan, pamargine mapupul utawi masekah

(2). Upakara lan upacara pitra yadnya riwusan kaabenan mawasta

munggah don bingin utawi ngroras wawu kelaksanayang

pelinggih Diwa hyang Batara Batari

(3). Indik kaluwarga sane medrewe jatma padem :

.ha. Patut masadok ring prajuru desa, sapunapi pahetanganya,

mapendem utawi ngaben tur nyukserahang parembug karya

ring prajuru Desa utawi Banjar

(4). Swadarmaning Banjar, Desa :

ha. Prajuru Banjar, Desa maritetes paetangan muah pamargine

na. Nepak kulkul

- ca. Krama Banjar lanang istri ngemedalang patus kalih
kesukserahang ring sang madruwe karyane
- ra. Krama Banjar, Desa tan kalugraha ngusak ngasik tatacara
yadnyane gumanti mangda yandnyane lantur.
- ka. Krama banjar, Desa lanang istri patut nyarengin makarya
indik eteh eteh upakara sang padem manut babawos sane
sampun kamanggehang
- da. Yan ritatkalaning ngaben, ngusung sawa, watangan mangda
kamargiang becik trepti. tan kalugraha ngumpag ampig,
yang mamurug patut keni pamidanda manut pararem,
- ta. Ritatkala ngebag sawa wenang ngawentenang kidung pitra
yadnya

PAWOS 43

- (1). Indik padem kantun mobot utawi makta bobotan patut dumun,
kamedalang rarene, yan sampun mausia 3 sasih wau punika
wawu dados pendem utawi abenang.

(2). Indik kacuntakan :

ha. Pemangku cuntaka yening :

1. Pemangku istri ngembasang rare sajroning 42 rahina
utawi tutug kambuhan
2. Yan pemangku istri ngembasang rare tur padem, 12
rahina, pemangku lanang 3 rahina

PALET 4

INDIK MANUSA YADNYA

PAWOS 44

- (1). Manusa yadnya inggih punika upakara dharmaning manusa.
ngawit saking patemoning kama petak kelawan kama bang
sajroning garba utawi waduk ibiang mobot kantos padem riwekas

(2). Upakara ring ajeng, madudonan sakadi ring sor :

ha.ngawit ibiang ngerempini, magedong gedongan

na. Duk sang kama reka medal, dapetan

ca. Kepuspungsed, pangelepas aon

1. Rahina majang tukadin, utawi majang colongin
2. Rahina, tutug kambuhan
3. Sasih, masambutan

4. Sasih, paweton

ra. Kepus gigi, makupak

ka. Tutug kelih, ngeraja sewala wadone ngembak suara sane
lanang

da. Mapetik

ta. Mapandes utawi matatah

sa. Mawiwaha utawi masakapan

wa. Mapawintenan, purwajati, ekajati, dwi jati

(3). Risampun matemu ngawit marabian :

ha. Tutug 3 rahina patut maprayascita

na. Patut ngayab, pakala kalahan muah makerab nganten—

(4). Upakara soang soang kadi ring ajeng, kincit, madia wibuh
nganutin catur dresta, muah desa mawacara, luwire : agama,
sima, adat, pararem desa muwah dasar kasidania, sakirang kirang
ipun nunas pamuput ring pamangku desa

(5). Krama Desa Baluk, sane ngelebur wangsa patut masadok ring sang rumawos, parisada, Departemen Agama tur nunas pamuput ring ida pedanda luwire :

ha. Ngerangkat ring siyos agama, muah ring siyos wangsa lanang istri

na. Lanang utawi istri mawali nganut agama hindhu, indike punika mangda katatas ring Prajuru Desa Baluk mawaneng 3 sasih

PALET 5

INDIK BUTHA YADNYA

PAWOS 45

(1). Bhuta yadnya inggih punika, upacara upakara banten pabiyakalaan utawi pelabaan muwah pecaruan sarwa prani katur ring Ibu Pertiwi ring pura pura, sanggar, ring manusa muah babutan, luwire :

ha. Sarwa weletik

na. Ingon ingonan utawi wewalungan

ca. Lelandep utawi sarwa besi

ra. Gambelan

ka. Wewalian utawi bali balian

manut genah, penyawang rerahinan muwah sasih sanc
kamanggehang antuk krama desa soang soang .

(2). Upakara pakalakalahan manusa manut ring wiguna ketah kebawos
pabyakalan

(3). Upakara pabyakalaan ring ibu pertiwi, muwah ring pura pura,
sanggar lan ring babutan mawastaning macaru kincit, madya,
wibuh sakadi ring sor puniki :

ha. Eka Sata

na. Panca Sata

ca. Panca Sanak,

ra. Panca Klud

ka. Rsi Gana

da. Tawur Agung

ta. Sajawaning Kadurmanggalan

(4). Ritatkalaning karawuhang mrana patut ngawentenang upacara
upakara Nangluk Merana ring :

ha. Pura Dalem

na. Pura Puseh

ca. Pempatan Agung

ra. Pangulun Setra

ka. Ring Segara

(5). Sajawaning kadi ring ajeng, patut ngawentenang upakara luwire :

ha. Majot jotan, banten saiban nyabran rahina wus maratengan

na. Masegch manut genah muwah rerahinan

ca. Masapuh sapuh rikalaning pacang rawuh patirtan pura

Pawos 46

(1). Ngawarsa ring rahina Tillem Kasanga, kawentenang tawur kesanga

ketah kebawos ngurupuk, maobor obor, nogtog padang nyaluk

mapag rahina panyepian.

(2). Upakara rahinan nyepi. sipeng manut catur pabratan ring sor

punika :

ha. Amati geni, tan kalugraha maapi api

na. Amati karya, tan kalugraha makarya nyambut gawe

ca. Amati lampah, tan kalugraha malalungayang

ra. Amati lelanguan, tan kalugraha maoneng onengan, ajajuden

lan masuara gora

(3). Riwusan rahina nyepi benjang ipun kawastanin ngembak geni

karya wastu nglukar yoga semadi, kadulurin antuk idep nunas

dirgahayu, muwah nyuksmayang soang soang krama desa,

makangawit i saka warsa

(4). Asing asing wenten krama desa wenten sane mamurug babratan

panyepen wenang katiwakin danda manut pararem, sajawaning

kalugraha antuk Prajuru Desa muwah sang mawangrat manut

pakewuh utawi babuatania

SARGA 5

SUKERTA TATA PAWONGAN

PALET 1

INDIK PAWIWAHAN

PAWOS 47

(1). Pawiwahan inggih punika patemuning purusa lan pradana malarapan suka cita, kadulurin antuk upasaksi sekala niskala.

(2). Pamargin pawiwahan luwire :

ha. Papadikan, pawiwahan ngalang :

1. Pepadikan, pawiwahan ngalang inggih punika maduluran antuk suka cita sang kalih lanang istri sangkaning paigum pikayun kulawarga purusa lan pradana

2. Pepadikan sangkaning pabrebehan kala punika tan wenang katampi olih Krama Banjar, Desa Baluk utawi Prajuru Desa Baluk

na. Marangkat utawi ngerorod, malarapan antuk suka cita sang kalih lanang istri munggowong pamargin pejati, manut kadi ring sor :

1. Patut ngawentenang pejatiang sajroning 24 jam, ngawit dawuh lima jam 17, yan liwar wenang patut kena danda manut pararem

2. Malih 3 rahinane patut ngewetenang pangluku utawi pangaksama indik pamargi pejati inucap

3. Tigang rahina wusan pangluku sang majatiang patut ngawetenang pasuwakan malih, sajawaning wenten laledangan saking pradana

(3). Pamargin upakara upacara pawiwahan luwire :

ha. Upakara inucap sakincit ipun marupa upakara pabyakawonan, pasakapan.

na. Sajawaning durung mabiakawonan, sang ngaten tan kalugraha ngeranjing kahyangan ring wawengkon Desa Baluk yan mamurug patut keni danda pamarisuda

ca. Sapuput upakara paserah, puput babawos paladara sang nganten patut muspa ring kahyangan tiga, irika sang ngambil utawi sang ngerangkatan ngawentenang pacang babawos apasang tagesan apasang, beras miwah jinah sesari

ra. Prade sang nganten tan kayun muspa, sang ngrangkatang tan kalugraha utawi tan kapatutan makta salwir raruntutan pailen pamargin pamuput babawos peserah inucap, kayun tan kayun muspa mangda kaingkupan rinapkala paswakan.

ka. Yan prade wenten ngambil utawi ngrangkatang kadura desa utawi ring Desa Baluk patut ngamargiang pasadok ring Prajuru Desa, Banjar mawaneng arahina wengi utawi 24 jam, yan mamurug patut kapidanda

da. Yan wenten pangetut saking kaluwarga sang karang katang, patut masadok ring Prajuru Desa, Banjar

(4). Kapatutan pawiwahan :

ha. Tan yogia ngrangkatang sakadi ring sor :

l. Tumindinyama, pianak tumin, pianak dinyama, rerama dinyama, semeton mingsiki, semeton sodet, semeton siyos ibu, semeton idih idihan sanematunggalan susu, baluan ping tiga muwah ipar rerangkatan, yan wenten mamurug wenang kapidanda.

2. Pawiwahan, sakadi ring ajeng tur tan kapalasang kabawos
 gamia gamana patut kapidanda muwah ngrayanang
 upakara panglukatan pabersihan Desa Baluk

ha. Yan wenten wong memaksa utawi melegandang, anak istri,
 patut kapalasang tur kapidanda

ca. Prade wenten drati krama, mamitra terang, wenang kapidanda
 tur ngelaksanayang upakara nia

ra. Yan ngrangkatang anak istri siyos agama, sepatutipun
 mangda nganutin sang lanang

ka. Prade wenten ngerabinin wong arabi, ngrangkatang wong
 arabi wenang kapidanda

da. Prade wenten sang ngerabinin warang, mantu, matua wenang
 kapidanda

PAWOS 48

(1). Pawiwahan sane kamanggehang patut ring Desa Baluk inggih
 punika indik : pawidin widanan ipun, kapuputang antuk Ida
 Pedanda utawi Pemangku, tur kasaksinin antuk Prajuru Desa tur
 nganutin undang undang perkawinan saking sang mawangrat

- (2). Yan sang ngaten tan nganutin kadi inucap ring ajeng, ring jaga teduh mayahan makrama desa, mangda maratista raga dumun manut sakadi pawos 47 angka 31

PAWOS 49

- (1). Piteges pawiwahan, patut sang lanang marabi adiri, sajawaning wenten pasubaya saking rabine utawi paetangan bawos pacang marabi malih
- (2). Prade wenten lokika sanggraha, patut sang mobotang nyakapang wadone, yan tan manut patut kapidanda manut pararem tur ngupajiwa saembasan bobotane
- (3). Prade wenten wong istri mobot, tan wenten sane amariangken, kabaos ngeletehin desa, wong istri punika patut kapidanda tur ngamargiang pamerayas cita desa baluk, risampun bebotane inucap embas, pianak ipune embas, pianak ipun patut masasana ring ibune
- (4). Prade wenten drati krama, wong asamgama ring syos manusa sane kabawos ngawinang cemer Desa Baluk wenang kasisipan tur kapidanda saha upakarania

- (5).yan wenten balu angkep tan manut ring kertaning pawiwahan, patut kabawosang antuk Prajuru Desa Baluk.

PALET 2

INDIK PALAS MERABI

PAWOS 50

- (1). Palas marabian saantukan silih tunggil lampus utawi padem
- (2). Palas marabian kaprasida, sangkaning kawit mawecara tan sukacita, inggih punika kawastanin sapihan
- (3). Paradara utawi nyabung rabin anak syos patut keni danda
- (4). Palas merabi kasinaggeh patut maduluran antuk kaputusan—pangadilan lan upakara manut agama, sane kabawos kaon patut nawur pidanda ring desa,

PAWOS 51

- (1). Indik wiwitan palas merabian sinalih tunggil lanang istri :
- ha. Anasar laku
- na. Wicaraning laku
- ca. Cenangga utawi wangdu
- ra. Matilar tan masadok kantos tigang sasih muah setata
- wak purusa tan prasida adung malih

(2). Yan wicara katumusang antuk sang lanang, wyakti sang istri
lumaksana nenten patut sakadi :

ha. Pamargin sang istri anasar laku sane kabawos nenten becik

Na. Sang istri amandel sanggama maambul ambulan kantos 3
sasih

Ca. Sang istri canangga, tan kengin nganutin sang lanang

(3). Prade wicarane katumusang antuk sang istri, wyakti lanang
lumaksana sane nenten patut makadi :

ha. Sang lanang makarya tan patut makadi marabian

na. Canangga wyadin wangdu , tan prasida ngawentenang waris

ca. Tan nyanggama saha ngupajiwa kantos 3 sasih

(4). Prade macihna wenten saksi, bukti, ilikita, sang mawicara lanang
wyadin wadone sakadi nomor 2 muah nomor 3. Pawos puniki :

ha. Perabian dados kapalasang

na. Keni pamidanda

(5). Yan palase pada lila, patut :

ha. Nawur danda wyadin prabea syosan pada mapara

na. Ngawentenin pangupajiwa pretisentana manut swadarmaning guru
rupaka

ca. Katiwakin pamidanda manut ring nomor 4.2 pawos asiki

ra. Pamidanda kamargiyang antuk Prajuru Desa Baluk risampun
katiwakin pamutus palase antuk sang rumawos utawi pangadilan

PAWOS 52

(1). Prade riwekas sang palas marabian. adung malih marabian patut :

ha. Ngelaksanayang pawiwahan malih, manut kadi pawiwahan
sane patut ring Desa Baluk

na. Keni pamidanda nikel, yadyastus pada lila

PAWOS 53

(1). Soang soang balu manut pawongania kabinayang dados

ha. Balu luh wit sentana rajeg

na. Balu luh boya sentana rajeg

(2). Swadarmaning balu inucap patut :

ha. Ngawisesawaris, pagunakaya, tan dados ngadol, ngadeang,
makidihang sajroning durung polih kabebasan saking sang
patut ngwaris.

na. Balu intucap kaprasida ngangkat sentana nanging sadurung
silih tunggil lampus sampun wenten pidabdab tu
kabebasan antuk kulawarga sane paling nampek.

PAWOS 54

(1). Balu luh wyadin lanang tan pageh, luwire:

ha. Matilar tan pasadok saking pakubon sajroning tigang sasih

na. Lempas ring swadarmaning balu, tan sida ngentosin solat
maprewerti arep ring ipah purusa wyadin kulawarga pecak
rabine

- (2). Yan sampun macihna kadiring ajeng, manut Tri Pramana luwire :
 saksi, bukti, ilikita, balu inucap tan polih upen upen gunakaya
 wyadin warisan, kengin kamulihan doha utawi taruna
- (3). Prade balu inucap pageh nganutin swadarma ning balu, katundung
 antuk sentana kulawarga purusa, wenang balu inucap polih pahan
 guna kaya.

PALET 3

INDIK SENTANA

PAWOS 55

- (1). Mungguwing sentanan wenten kalih soroh, luwire :
 ha. Preti sentana
 na. Sentana peperasan, maduluran antuk kaputusan pengadilan
- (2). Prade wenten pawiwahan tan prasida ngawentenang sentana.
 kengin ngidih sentana, mawiwit saking kacumponin olih purusa
 kaupasaksi skala lan niskala kawastanin sentan peperasan.

PAWOS 56

- (1). Sang mapikayun ngidih sentana, manut kadi pawos 55 no. 2 ring ajeng, patut masadok ring prajuru, sanistanipun tigang sasih sadurung kamargiang upakara pamerasan
- (2). Prajuru Desa utawi Bendesa patut nyiarang ring wawidangan Desa Baluk kalih masadok ring sang mawengrat, sadurung upakara paperasan mawaneng kalih sasih
- (3). Prajuru Desa digelis mawosin tur ngicenin pamutus dados tan dados pamerasan ika kamargiang. yan tan kadadosan mangda digelis ngawentenang pamutus manut ring dresta

PAWOS 57

- (1). Pamerasan sane kasinanggeh patut ring Desa Baluk risampun wenten :
 - ha. Mawidi widana pameras
 - na. Kasaksinin antuk Prajuru Desa tur kapikukuhang antuk Prajuru Desa Dinas tur kesiarang ring paruman desa

ca. Ngawentenang ilikita mungwing tata sulur pamargin
paperasan

(2). Sane patut kaperas anggen sentana, kadi ring sor :

ha. Jadma nganut agama hindu

na. Kapernahan saking sang meras

ca. Kulawarga saking purusa, yan tan wenten kengin saking
wadon, prade tan wenten taler, wawu kengin sakitaning arep

PALET 4

INDIK WARISAN

PAWOS 58

(1). Warisan inggih punika tetamian arta brana, ayah ayahan skala
niskala saking kaluhurania arep ring turunania

(2). Kang sinanggeh warisan, luwire :

ha. Druwe tegai : carik, karang paumahan, pamerajan, muwah
pura sasuwunan

na. Gunakaya tetadan, jiwadana, muah utang piutang

(3). Wawu kengin kabawos warisan prade :

ha. Wenten sang mapiturun wyadin pawaris

na. Wenten katurunania wyadin ahli waris

ca. Wenten arta brana, tategenan ayah ayahan marupa warisan

PAWOS 59

(1). Ahli waris, luwire :

ha. Preti sentana pradana

na. Preti sentana purusa

ca. Sentana p~~aper~~erasan sane lanang wyadin wadon

(2). Kang sinanggeh ahli waris, luwire :

ha. Turunan purusa kaprenah ngunggahang makadi rerama di

misan rerama di mindon kalih salantur ipun ngunggahang

na. Turunan purusa kaprenah kasamping muwah kaponakan.

kaponakan di mindon kalih salantur ipun nedunan

ca. Yan wenten putung utawi camput tan madwe paprenahan
 waris patut kawenangan antuk dadia, yan tan madruwe dadia
 paatut ka desa sa sampun kapratyaksayang sajroning
 waneng

PAWOS 60

SWADARMANING AHLI WARIS PATUT :

- (1). Nyanggra tur ngutsahayang tetamian pahan saking kaluhurania
 makadi ngemponin tetegenan Merajan, Pura Dadia, Pura
 Kahyangan tur ngupakara rawuhing ayah ayahan ahli waris
- (2). Ngabenan pawaris tur ngelanturang upacara upakaraning Pitra
 Yadnyane
- (3). Nawurin utang utangan pawaris

PAWOS 61

Pahpahan waris manut ring sor :

- (1). Risampun ngelaksanayang pitra yadnya lan utang pawaris buntas
 katawur
- (2). Para ahli waris polih warisan pateh

(3). Sinalih tunggil ahli waris tan polih pah pahan warisan, prade :

ha. Nilar sesananing Agama Hindu

na. Alpaka guru rupaka wyadin guru swadyaya

ca. Sentana rajeg kesah mawiwaha utawi preti sentana nyeburin

soang soang kabawos ninggal kadaton.

(4). Pawaris sane kantun urip dados ngeduman makadi :

ha. Jiwa dana, tetadtadan ring pianak sane mawiwaha

na. Ngeduman pangupa jiwa

ca. Ngeduman tetegenan wyadin pedum raksa, kantos pedum

jumenek ring waris

PAWOS 62

(1). .Prade sajroning kulawarga wenten ahli waris langkung ring adiri

patut:

ha. Pateh pedume ring sang : ngwaris

na. Yan tan kasidan ring paumahan mangda katunasang

tatimbangan ring kerta dana Prajuru Desa

ca. Prade tan tinut ring tepas Prajuru Desa kengin katuna sang
ring pangadilan

(2).. Prade wenten karang kaputungan, Prajuru Desa wenang
mabawosin :

ha. Prade tan wenang kadi ring ajeng, Prajuru Desa patut
ngawisesa manut prarem

na. Yan ahli waris ring pakubonan, sane paling alit molihang
kalin tangan warisan, pawon abungkul

SARGA 6

WICARA LAN PAMIDANDA

PALET 1

INDIK WICARA

PAWOS 63

(1). Sane patut mawosin utawi mutusang wicara ring Desa Baluk,
inggih punika Prajuru Desa kang sinanggeh Kerta Desa

(2). Sahanan sane ring wawidangan Desa Baluk manut ring tetepengan indik ngamargiang muwah ngelaksanayang Tri Hita Karana mangdane krama :

ha. Nelebang lan ngelaksanayang ring angga muwah ring linggih

Ida Hyang Widi Wasa

na. Nreptiang wawanengan palemahan Desa Baluk muwah ring warga Desa Baluk

ca. Nreptiang warga desa ring wawengkon Desa Baluk sajroning

Tri kona, Utpeti, Stiti, Pralina.

(3). Prade ring mawicara tan wenten empu ring pamutus Kerta Desa kengin mutusang wicara punika ring sang mawang rat asasih saking rahina pamutus wicara inucap.

(4). Sakaluwiring wicara sane mawiwit saking kacorahan muwah kang mamurug daging awig awig, paswara, pararem desa utawi Banjar, tan malih nyantos pasadok sang nunas bawos

(5). Sajawaning indik wicara sane inucap ring ajeng nomor 3, pawos puniki, patut nyantosang pasadok utawi pinunas sang nunas bawos mangda pa indikania katepasin antuk Kerta Desa

(6). Saluwiring panepas saking Prajuru Desa, patut pastika nyantosang iwang patut malarapan Tri Pramana inggih punika, saksi bukti ilikita tur nenten tungkas ring sane kabawos Catur Dresta luwire :

ha. Sastra Dresta : Nenten tungkas ring Darma Agama

na. Loko Dresta : Nenten tungkas ring Darma Negara

ca. Sima Dresta : Nenten tungkas ring sima desa, Banjar

ra. Kuna Dresta : Nenten tungkas ring sesana sane kanton kamanggehang

(7). Tri Pramana make larapaning mastikayang pamatut, inggih punika :

ha. Saksi : Sane manut ring kasinanggeh saksi, wenang kanggen saksi, inggih semeton, oka, rerama dinyama, ayah ibu, muwah mindon, purusa lan rabi

na. Bukti : marupa arta brana sane kaagem

ra. Ilikita : surat surat sane sujati

PALET 2

INDIK PAMIDANDA

PAWOS 64

- (1). Desa, Banjar wenang niwakang pamidanda ring warga desa, banjar sanesisip
- (2). Paniwak inucap ring ajeng, kalaksanayang olih Prajuru Desa lan Banjar
- (3). Pamidanda sane katiwakang mangda anut pawl langan winaya— sandi sakadi ring sor :
- ha. Sama : Warga Desa utawiPrajurul pateh keni pamidanda yan keni sisip
- na. Beda : Paniwak pamidanda ika, wenang mabinayang manut ring sor singgih muwah alit agung kasisipania
- ca. Dana : Tetiwak pamidanda ika kalaksanayang wantah merelina kasisipan tur maparkardi pangupa piraning karahajengan desa muwah Banjar
- ra. Danda : Manut paniwak gung arta Warga Desa, Banjar lan pamarisuda inucap nomor 4

(4). Pawos pawos wyadin pepaletan pamidanda luwire :

ha. Kang sisip katiwakin marupa gung arta

na. Panebus kasisipan antuk ayahan

ca. Keni pengaskara antuk bebanten pamarisuda

ra. Rerampagan

ka. Kasepekan, sadurunge puput nawur kaiwang iwangan

da. Kepalasang

ta. Nunas pangampura ring Krama Desa utawi Banjar

(5). Jinan utawi arta brana, pamidanda ika rumanjing dados druwen

Desa utawi Banjar, manut sekadi pasukertan soang soang

(6). Dasar niwakang pamidanda ring sang katiwakin sane kasinanggeh

sisip

Kandugi mangda kasuluhin antuk :

ha. Kertaning Bumi :Undang Undang Hukum Pertanahan

(Undang Undang Pokok Agraria)

na. Kertaning Negara Undang Undang Hukum Negara

ca. Kertaning Jagat :

- Tata krama : Petingkah, parilaku
- sima krama : Pidabdab sane ketah
- desa krama : Aci aci

(7). Kasisipan warga desa sane patut keni danda wenten kalih palet :

ha. Sanemarupa sampun melaksana tan patut

na. Sane marupa mabawos tan manut ring sukerta tata Agama
muwah Adat Desa Pakraman

PALET 2

INDIK PAMARGIN PAMIDANDA

PAWOS 65

(1). Pamargin pamidanda luwire :

ha. Pamidanda sukerta tata Pakraman

na. Pamidanda sukerta tata Agama

ca. Pamidanda sukerta tata Pawongan

- (2). Kang mamurug indik pamargin pamidanda inucap ring ajeng, soang soang pawos angka 1.1, 1.2, 1.3 manut sakadi sane sampun mamargi saluwiring sane durung wenten pamutus pamidanda, patut kaputusing olih perarem Prajuru Desa, Banjar.
- (3). Daging pamutus pamidanda kang mamurug sakadi ring ajeng, pacang kasuratang ring ilikita pamutus saking Prajuru Desa Baluk, turmaning mangda kalaksanayang ring soang soang Banjar ring sajroning wawengkoning Desa Baluk

PALET 4

INDIK RERAMPAGAN

PAWOS 66

- (1). Saluwiring dadendan, miwah paturunan miwah utang sane tan jangkep utawi buntas katawur sajroning wawanengania manut sakadi ring arep, samaliha iprajuru sampun ngutsahayang saking becik, ngarep ring sang mautang inucap, wenang raris kawentenang rerampagan
- (2). Sane kengin karampag luwir ipun :
- ha. Sakancan arta berana sane kadruweyang, sajawaning arta berana sane pamekas kaanggen ngrereh pangupajiwa

na. Sakancaning arta berana sane kaanggen ngamargayang pailen
ilen upacara agama kalih pasikepan tan kengin karampag

(3). Tatacara ngamargayang rerampagan luwir ipun :

Ha. Mawenang satampak, ipun asasih sadurung ngamargiyang
rerampagan. Prajuru patut mapitahu ring sang keni
karampag

na. Pet prade ipun sadurung wenten rerampagan inucap,
dedandan miwah utang utang punika sida katawur buntas
olih sang keni kerampag, rerampagan kengin tan durus
kalaksanayang

ca. Yening sampun langkung ring asasih, dedandan miwah utang
utang punika tan katawur olih sang keni kerampag, Prajuru
kasaksinin antuk Ikrama patut nglaksanayang rerampagan
inucap, arta brana ipun kambil tur kaadol ring ajeng krama,
jinah pikolih ngadol arta brana punika raris kaangen
muntasang dedandan utawi tunggakan utang sang keni
rampag

pradewenten sisanjinah punika patut kawaliang nanging yening kirang tur tan wenten arta brana sanesida karampag, rerampagan jaga kawaliang malih. sang karampag mangdene lascarya ring pamargin rerampagan sane kalaksanayang olih Prajuru dening sampun marupa pararem rinapkala awig awig punika nyatur Desa

PALET 5

INDIK KANORAYANG MAKRAMA

PAWOS 67

- (1). *Sinalih tunggil ikrama Desa utawi Banjar tan tinut ring Awig awig punika, sesampune polih pengiket sanistan ipun ping tiga saking Prajuru, taler kanton mamurug patut kanorayang makrama Desa utawi Banjar ring Baluk*
- (2). *Ikrama Desa utawi Banjar sane kanorayang makrama punika, tan luput saking danda utawi utang utang sane durung katawur buntas*
- (3). *Nganorayang makrama kang mamurug Awig awig puniki, manut ring paswara lan perarem Desa utawi Banjar ring sajroning Desa Baluk, sane kacumponin antuk dua pah telu krama Desa utawi Banjar*

- (4). Sang sane kanorayang makrama Desa utawi Banjar punika kengin makrama desa utawi banjar malih ring Desa Baluk yening sampun malarapan antuk pararem lan paswara sane kacumponin antuk dua pah telu krama sinamian

SARGA 7

NGWAH NGWUHING AWIG AWIG

PAWOS 69

- (1). Nguwah ngwuhin Awig awig Desa Pakraman Baluk puniki kengin kalaksanayang ring peparuman pakraman Desa Baluk
- (2). Peparuman inucap mangda kadasarin antuk pakarsan Krama saha kacumponin antuk dua pah telu krama sinamian
- (3). Pamutus bebawosan nguwahwuhin awig awig Desa Baluk puniki, mangda kadasarin antuk guluk saguluk makayunan krama sinamian

SARGA 8

PAMUPUT

PAWOS 69

(1). Saha saluwiring wicara utawi laksana sane sampun manggeh matulis utawi tanpa tulis sadurung wenten Awig awig puniki kantun kamanggehang sajroning tan tungkas ring daging Awig awig puniki

(2). Saha luwiring wicara sane durung manggeh ring awig awig puniki jaga kabawosang ring peparuman krama Desa Baluk tur kamanggehang kengin pararem utawi paswara

PAWOS 70

Awig awig puniki kawastanin Awig awig Desa Pakraman Baluk, Kecamatan Negara, Kabupaten Jembrana Propinsi Bali, sane keraremin tur kamanggehang

Duk, rahina. Om, Santhi, Santhi, Santhi Om.

Awig awig puniki kalingga tanganin olih, Bendesa, Penyarikan kesarengin antuk Klian-klian Banjar sahe kaupasaksiang olih Perbekel Desa Baluk lan Klian-klian Dinas sawewidangan Desa Pakraman Baluk tur kapikukuhin olih :

(1). Bupati Jembrana.

Luwir pangelingga tanganan :

- | | |
|--------------------------|--------------------|
| (1). Bendesa | : I Ketut Sinda. |
| (2). Penyarikan | : I Ketut Sarga. |
| (3). Klian Banjar Baluk | : I Wayan Birka. |
| (4) Klian Banjar Taman | : I Ketut Subawan. |
| (5) Klian Banjar Anyar | : I Nengah Loken. |
| (6) Klian Banjar Jati | : I Nengah Seden. |
| (7). Klian Banjar Rening | : I Ketut Kornen. |

Kesaksiang antuk :

- | | |
|----------------------------|-----------------------|
| (1). Perbekel Desa Baluk | : I Ketut Suasana. |
| (2). Klian Dinas Baluk I | : I Ketut Tana. |
| (3) . Klian Dinas Baluk II | : I Ketut Gunawan |
| (4). Klian Dinas Anjar | : I Komang Suprapta. |
| (5). Klian Dinas Jati | : Dewa Kade Sukarta. |
| (6). Klian Dinas Rening | : I Nengah Mertayana. |

Awig -awig puniki kelingga tanganin olih :

ha. Bendesa Desa Pakraman Baluk.




(2). Penyarikan,


I Ketut Sarga



I Wawan Birka

(4). Klian Banjar Taman


I Ketut Subawan

(5). Klian Banjar Anyar



I Nengah Loken

(6). Klian Banjar Jati


I Nengah Seden

(7). Klian Banjar Rening



I Ketut Kornen

Kesaksiang antuk:

na. Perbekel Desa Baluk,



I Ketut Suasana

(2) Klian Dinas Baluk I





I Ketut Tana

(3) Klian Dinas Baluk II.



I Ketut Gunawan



ca. Kapikukuhin oleh Bupati Jembrana:

Mengetahui dan telah dicatatkan:

Tanggal : 26 - 10 - 2009

Reg. Nomor : 180/1/ADP/HOT/2009

